



Na osnovu člana 64. stav (1), tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), te člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), na preporuku Komisije za javnu nabavku u Zapisniku o pregledu i ocjeni ponuda, broj: 15-11-8-8789-9/26 od 29.7.2026. godine, direktor Kantonalne uprave civilne zaštite, donosi:

ODLUKU
o izboru najpovoljnijeg ponuđača

Član 1.

Prihvata se preporuka Komisije i dodjeljuje se ugovor za javnu nabavku prikolice za prevoz čamca ponuđaču „SV COMPANY“ d.o.o. Laktaši, prema Ponudi, broj: 03-68/26 od 27.7.2026. godine za ponuđenu cijenu u iznosu od 10.900,00 KM bez PDV-a, odnosno 12.753,00 KM sa PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu s članom 70. stav (6) Zakona o javnim nabavkama objavit će se na web-stranici www.czusk.ba, i to istovremeno s upućivanjem iste ponuđačima koji su učestvovali u postupku javne nabavke.

Obrazloženje:

Postupak javne nabavke pokrenut je Posebnom odlukom o pokretanju postupka javne nabavke, broj: 15-11-8-8789-2/26 od 16.7.2026. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 10.900,00 KM. Na Portalu javnih nabavki je objavljeno Obavještenje o nabavci, broj: 6518-7-1-28-3-9/26 od 17.7.2026. godine.

Po isteku roka za podnošenja ponuda, evidentirano je da su blagovremeno zaprimljene dvije ponuda, i to:

Broj protokola	Naziv/ime ponuđača (šifra)	Datum i sat prijema
15-11-8789-7/26	„NEXIS“ d.o.o. Sarajevo	27.7.2026.godine (7:56)
15-11-8789-8/26	„SV COMPANY“ d.o.o. Laktaši	28.7.2026. godine (9:17)

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da su zaprimljene dvije ponude, te je ponuda ponuđača „SV COMPANY“ d.o.o. Laktaši ocijenjena kao prihvatljiva, dok je ponuda ponuđača „NEXIS“ d.o.o. Sarajevo ocijenjena kao neprihvatljiva.

Naime, ponuđač „NEXIS“ d.o.o. Sarajevo nije dostavio dokumentaciju u skladu s tačkom 3.4. Tenderske dokumentacije, gdje je podtačkom 3.4.2. traženo da ponuđači dostave „opise i fotografije ili katalog...“. Ponuđač je dostavio samo opis predmeta nabavke.

S obzirom da je za predmetnu nabavku proveden konkurentski zahtjev za dostavu ponuda, kao i to da je dostavljena samo jedna ponuda ocijenjena kao prihvatljiva koja ispunjava sve uvjete iz tenderske dokumentacije, e – aukcija se ne provodi. Komisija je jednoglasno dala prijedlog direktoru Kantonalne uprave civilne zaštite da dodijeli ugovor ponuđaču „SV COMPANY“ d.o.o. Laktaši.

Vrijednost ponude za ugovor bez PDV-a je 10.900,00 KM, iznos PDV-a je 1.1.853,00 KM, ukupna vrijednost ponude sa PDV-om je 12.753,00 KM.

Cijeneći navedeno, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema iste i to u pisanoj formi i u dovoljnom broju primjeraka, a koji ne može biti manji od tri.

Broj: 15/02-11-8-8789-11/26

Datum: 30.7.2026. godine.

 **DIREKTOR**
Dževad Ljvaković, prof.